

að fenginni umsögn landbúnaðarráðherra, tillögu til dómsmálaráðherra um slit sjóðsins. Við slit skal litið til hlutverks Framleiðsluráðs landbúnaðarins í hagsýslugerð og markaðs- og kynningarmálum landbúnaðarins við ráðstöfun eigna sjóðsins.

9. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi var samþykkt á fundi Framleiðsluráðs landbúnaðarins 20. desember 1999.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. janúar 2000.

F. h. r.

Jón Thors.*Fanney Óskarsdóttir.***SKIPULAGSSKRÁ****Fræðslumiðstöðvar Þingeyinga.**

1. gr.

Fræðslumiðstöð Þingeyinga, fullorðinsfræðslumiðstöð, er sjálfseignarstofnun með sérstaka stjórn. Heimili og varnarþing er í Þingeyjarsýslum.

Stofnunin ber ábyrgð á skuldbindingum sínum með öllum eignum sínum.

Stofnunin er ekki háð öðrum lögaðilum.

2. gr.

Stofnendur Fræðslumiðstöðvar Þingeyinga eru eftirtaldir aðilar, auk þeirra sem gerast stofnfélagar fyrir 25. september árið 2000:

Bárðdælahreppur,
Hálshreppur,
Ljósavatnshreppur,
Skútustaðahreppur,
Reykðælahreppur,
Reykjahreppur,
Húsavíkurkaupstaður,
Tjörneshreppur,
Kelduneshreppur,
Öxarfjarðarhreppur,
Raufarhafnarhreppur,
Svalbarðshreppur,
Þórshafnarhreppur,
Framhaldsskólinn á Húsavík,
Framhaldsskólinn á Laugum,
Atvinnuþróunarfélag Þingeyinga,
Fjallalamb hf.,

Byggingamannafélagið Árvakur,
Gefla hf.,
Heilbrigðisstofnun Húsavíkur,
Hraðfrystistöð Þórshafnar hf.,
Kvenfélagasamband S.-Þing.,
Kvenfélagasamband N.-Þing.,
Kísiliðjan hf.,
Landvist ehf.,
Prentstofan Örk ehf.,
Sparisjóður S.- Þing.,
Sparisjóður Þórshafnar og nágrennis,
Starfsmannafélag Húsavíkur,
Sveinafélag járníðnaðarmanna,
Verkalýðsfélag Húsavíkur,
Verkalýðsfélag Þórshafnar,
Verkalýðsfélag Öxarfjarðar,
Verlunarmannafélag Húsavíkur.

Fulltrúar stofnenda undirrita skipulagsskrá þessa til staðfestingar.

Fjárhagslegar skuldbindingar miðstöðvarinnar eru stofnendum óviðkomandi umfram stofnframlag. Stofnendur leggja fram sameiginlega kr. 500 þúsund sem verða óskerðanlegur höfuðstóll og ávöxtuð með tryggilegum hætti.

3. gr.

Markmið Fræðslumiðstöðvar Þingeyinga eru:

- * Að færa menntunarmöguleika nær fólki í Þingeyjarsýslum.
- * Að efla möguleika á menntun í Þingeyjarsýslum, þ.e. auka tengsl grunn- og endurmenntunar, bjóða upp á námskeið tengd atvinnulífi og tómstundum, hlutast til um að boðið verði upp á nám á framhalds- og háskólastigi í samstarfi við skóla á viðkomandi skólastigum, auk þess að veita upplýsingar um nám á öllum skólastigum.
- * Að efla samstarf atvinnulífs og skóla.
- * Að vinna með fyrirtækjum við mótun símenntunarstefnu þeirra.
- * Að efla byggð í Þingeyjarsýslum með styrkri símenntun.

4. gr.

Stjórn Fræðslumiðstöðvar Þingeyinga er skipuð sjö mönnum sem kosnir eru til tveggja ára, og jafnmörgum til vara. Hlutverk varamanna er að mynda, ásamt stjórn, fulltrúaráð Fræðslumiðstöðvarinnar.

Stjórn og varamenn skulu kosnir á aðalfundi af fulltrúum stofnenda. Stjórn skal mynduð þannig að eingöngu Húsavíkurkaupstaður, önnur sveitarfélög í Þingeyjarsýslum, verkafélög í Þingeyjarsýslum, Framhaldsskólinn á Laugum, Framhaldsskólinn á Húsavík, Atvinnuþróunarfélag Þingeyinga og fyrirtæki/stofnanir í Þingeyjarsýslum skulu eiga hvert sinn fulltrúa í stjórn.

Þá skulu auk þess önnur félagasamtök í Þingeyjarsýslum, Háskólinn á Akureyri og Endurmenntunarstofnun Háskóla Íslands eiga hvert sinn fulltrúa sem varamann. Kosning annarra varamanna er óbundin.

Fulltrúaráð (varamenn) skal boðað til stjórnarfunda, svo sem þurfa þykir, og hefur þar málfrelsi og tillögurétt.

Stjórnin skiptir með sér verkum og kýs sér formann, varaformann og ritara.

Stjórn boðar og undirbýr aðalfund með minnst 7 daga fyrirvara. Aðalfundur skal haldinn fyrir lok aprílmánaðar ár hvert.

5. gr.

Stjórn Fræðslumiðstöðvar Þingeyinga ber að vinna að markmiðum miðstöðvarinnar og koma fram fyrir hennar hönd gagnvart þeim sem veita henni fjárhagslegan stuðning.

Stjórnin ákveður meginþætti í stefnu og starfstilhögun miðstöðvarinnar og setur sér og miðstöðinni starfsreglur.

Stjórn ber ábyrgð á rekstri, fjárhag og eignum Fræðslumiðstöðvarinnar.

Stjórnarfundir skulu boðaðir með góðum fyrirvara. Stjórnarmaður vikur af fundi sé fjallað um málefni er varða hann persónulega.

Stjórn er heimilt að eiga samstarf við aðra og gerast aðili að samstarfssamningi þyki það vera leið til að ná markmiðum miðstöðvarinnar.

Stjórn ræður sér framkvæmdastjóra er annast daglegan rekstur og setur honum erindisbréf.

6. gr.

Framkvæmdastjóri ber ábyrgð gagnvart stjórn miðstöðvarinnar. Hann vinnur að fjárföflun, annast reikningsskil og undirbýr fjárhagsáætlun, sem lögð skal fyrir stjórn fyrir 31. desember ár hvert.

Framkvæmdastjóri ræður starfsfólk í samráði við stjórn.

7. gr.

Tekjur Fræðslumiðstöðvar Þingeyinga, auk vaxta af stofnframlagi, eru frjáls framlög ríkis, sveitarfélaga, fyrirtækja, samtaka og einstaklinga, tekjur af þjónustu og annað aflafé.

Tekjum og eignum miðstöðvarinnar skal eingöngu varið í hverjum þeim tilgangi sem samrýmist markmiðum hennar.

8. gr.

Reikningsár Fræðslumiðstöðvar Þingeyinga er almanaksárið.

Framkvæmdastjóri skal í fyrstu viku marsmánaðar ár hvert leggja fram skýrslu um starfsemi og endurskoðaðan ársreikning liðins starfsárs.

Reikningar miðstöðvarinnar skulu endurskoðaðir af löggiltum endurskoðanda, sem kosinn er á aðalfundi til eins árs í senn. Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næst liðið ár, ásamt skýrslu um hvernig fé miðstöðvarinnar hefur verið ráðstafað á því ári.

9. gr.

Skipulagsskrá þessari verður einungis breytt með samþykki meirihluta stjórnar og skulu breytingar hljóta staðfestingu dómsmálaráðherra.

Starfsemi miðstöðvarinnar verður einungis hætt með ákvörðun meirihluta stjórnar og fulltrúaráðs og skulu þá eigur miðstöðvarinnar renna til eflingar endur- og símenntunar í Þingeyjarsýslum.

Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. janúar 2000.

F. h. r.
Jón Thors.

Fanney Óskarsdóttir.